

ხელშეკრულება №62

საარქივო მომსახურების გაწევის შესახებ

თბილისი

11 მაისი 2015 წელი

ერთის მხრივ, საქართველოს იუსტიციის სამინისტროს სსიპ ეროვნული არქივი (შემდგომში „შემსრულებელი“) მდებარე: თბილისი, ვაჟა-ფშაველას გამზირი №1, წარმოდგენილი გენერალური დირექტორის, თეონა იაშვილის სახით და მეორე მხრივ, საქართველოს პარლამენტის ეროვნული ბიბლიოთეკა (შემდგომში „დამკვეთი“) მდებარე: თბილისი, ლ. გუდიაშვილის ქ. N7, წარმოდგენილი გენერალური დირექტორის მოვალეობის შემსრულებლის, მირიან ხოსიტაშვილის სახით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულებით შემსრულებელი იღებს ვალდებულებას დამკვეთს გაუწიოს საარქივო მომსახურება (CPV-92500000) - მიაწოდოს მოთხოვნის შესაბამისად, ეროვნული არქივში დაცული საარქივო დოკუმენტები, ელექტრონული სახით;
- 1.2. წინამდებარე ხელშეკრულებით დამკვეთი ვალდებულია გადაიხადოს შემსრულებლის მიერ გაწეული საარქივო მომსახურების საფასური, მიღება-ჩაბარების აქტისა და ანგარიშ-ფაქტურის საფუძველზე;

2. ხელშეკრულების საერთო ღირებულება

- 2.1. წინამდებარე ხელშეკრულების სავარაუდო ღირებულება შეადგენს 397.70 (სამას ოთხმოცდაჩვიდმეტი ლარი და სამოცდაათი თეთრი) ლარს;
- 2.2. წინამდებარე ხელშეკრულების ღირებულება განისაზღვრება მიღება-ჩაბარების აქტისა და ანგარიშ-ფაქტურის საფუძველზე;

- 2.3. გაანგარიშებისას გამოიყენება „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საქართველოს ეროვნული არქივის მიერ გაწეული მომსახურებისათვის დაწესებული საფასურის ოდენობების, გადახდის წესისა და მომსახურების ვადების დამტკიცების შესახებ“ საქართველოს მთავრობის 2011 წლის 29 დეკემბრის N506 დადგენილება.

3. ანგარიშსწორების ფორმა და ვადები

- 3.1. წინამდებარე ხელშეკრულებით ანგარიშსწორება ხდება უნაღდო ანგარიშსწორებით, მიღება-ჩაბარების აქტზე ხელმოწერიდან 5 სამუშაო დღის ვადაში;
- 3.2. უნაღდო ანგარიშსწორება ხორციელდება კანონმდებლობით დადაგენილი წესით.

4. მხარეთა უფლება-მოვალეობანი

- 4.1. შემსრულებელი ვალდებულია:
- ა) გაუწიოს საარქივო მომსახურება დამკვეთს სათანადო ხარისხითა და სრული მოცულობით 2015 წლის 15 მაისის ჩათვლით;
 - ბ) შეუქმნას დამკვეთს სათანადო პირობები წინამდებარე ხელშეკრულებით დათქმული სამუშაოს ჯეროვნად შესრულებაში;
- 4.2. შემსრულებელი უფლებამოსილია:
- ა) მოთხოვოს დამკვეთს უზრუნველყოს შემსრულებელის მიერ გაწეული მომსახურების საფასურის გადახდა წინამდებარე ხელშეკრულების მე-2 და მე-3 მუხლით დათქმული პირობების დაცვით;

4.3 დამკვეთი ვალდებულია:

- ა) უზრუნველყოს შემსრულებლის მიერ გაწეული მომსახურების საფასურის გადახდა წინამდებარე ხელშეკრულების მე-2 და მე-3 მუხლით დათქმული პირობების დაცვით;
- ბ) არ გადასცეს მესამე პირებს შემსრულებლის მიერ მიწოდებული მასალა და მისი გამოყენების შემთხვევაში მიუთითოს დედნის შენახვის ადგილი;

4.4 დამკვეთი უფლებამოსილია:

მოთხოვოს შემსრულებელს განახორციელოს წინამდებარე ხელშეკრულებით ნაკისრი ვალდებულებები სათანადო ხარისხითა და სრული მოცულობით წინამდებარე ხელშეკრულებით დათქმულ ვადაში.

5. ხელშეკრულებაში ცვლილებების შეტანა

- 5.1. წინამდებარე ხელშეკრულების დამდებ არცერთ მხარეს არ აქვს უფლება ცალმხრივად შეცვალოს წინამდებარე ხელშეკრულების პირობები;
- 5.2. თუ რაიმე, წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი მოსაზრებები წერილობითი ფორმით;
- 5.3. წინამდებარე ხელშეკრულებაში შეტანილი ნებისმიერი ცვლილება უნდა გაფორმდეს წინამდებარე ხელშეკრულების დანართის სახით.

6. ხელშეკრულების შეწყვეტის პირობები

- 6.1. მხარეებს შეუძლიათ ვადამდე შეწყვიტონ წინამდებარე ხელშეკრულება შემდეგ შემთხვევებში:

- ა) დამკვეთი უფლებამოსილია შეწყვიტოს წინამდებარე ხელშეკრულება თუ აღმოჩნდა, რომ შემსრულებელი ვერ უზრუნველყოფს წინამდებარე ხელშეკრულებით დათქმული პირობების დაცვას;
- ბ) შემსრულებელი უფლებამოსილია შეწყვიტოს წინამდებარე ხელშეკრულება დამკვეთის მიერ ნაკისრი ვალდებულებების არ შესრულების ან/და არაჯეროვნად შესრულების შემთხვევაში;
- გ) წინამდებარე ხელშეკრულების შეწყვეტის ინიციატორი ვალდებულია შეატყობინოს მეორე მხარეს შესაბამისი მოსაზრებები წერილობითი ფორმით არა უგვიანეს 5 სამუშაო დღისა.

7. ფორს-მაჟორი

- 7.1. წინამდებარე ხელშეკრულების დამდები რომელიმე მხარის მიერ წინამდებარე ხელშეკრულების პირობების შეუსრულებლობა არ გამოიწვევს საჯარო მოსახლეობის გამოყენებას თუ წინამდებარე ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;
- 7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მისი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსრულებელსა და/ან დამკვეთის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და სხვა.

8. ხელშეკრულების პირობების შეუსრულებლობა

- 8.1. ფორს-მაჟორული პირობების გარდა, დამკვეთის მიერ წინამდებარე ხელშეკრულების ვალდებულებების შესრულების ვადების გადაცდენის

შემთხვევაში დამკვეთი ყოველი დაგვიანებული კვირისათვის შემსრულებელს უხდის პირგასამტეხლოს წინამდებარე ხელშეკრულების ღირებულების 0,1%-ის ოდენობით;

- 8.2. საჯარიმო სანქციების გადახადა არ ათავისუფლებს დამკვეთს ძირითადი ვალდებულების შესრულებისგან;

9. დავის გადაწყვეტა

- 9.1. მხარეთა შორის წამოჭრილი დავა წყდება ურთიერთშეთანხმებით;
- 9.2. ურთიერთშეთანხმებით დავის გადაჭრის შეუძლებლობის შემთხვევაში ნებისმიერი მხარე უფლებამოსილია დავის გადასაჭრელად დადგენილი წესით მიმართოს სასამართლოს.

10. ხელშეკრულების მოქმედების ვადა

- 10.1. წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2015 წლის 15 ივნისის ჩათვლით.

11. დასკვნითი დებულებები

- 11.1. წინამდებარე ხელშეკრულება შედგენილია, განიმარტება და რეგულირდება საქართველოს მოქმედი კანონმდებლობის მიხედვით;
- 11.2. წინამდებარე ხელშეკრულება შედგენილია ქართულ ენაზე, საში თანაბარი მნიშვნელობის მქონე ეგზემპლარად, რომელთაგან ერთი გადაეცემა დამკვეთს, ორი კი შემსრულებელს.

12. მხარეთა რეკვიზიტები

შემსრულებელი:

დამკვეთი:

სსიპ საქართველოს ეროვნული არქივი

საქართველოს პარლამენტის
ეროვნული ბიბლიოთეკა

საიდ. კოდი 211358957

საიდ. კოდი: 203845018

მიმღები ბანკი: სახელმწიფო ხაზინა

სახელმწიფო ხაზინა

მიმღების დას.: ხაზინის ერთიანი ანგარიში

ხაზინის ერთიანი ანგარიში

ბანკის კოდი: TRESGE22

ბანკის კოდი: TRESGE22

ანგარიშის ნომერი: 7 0744 7080

ანგარიშის ნომერი №200122900

თბილისი, ვაჟა-ფშაველას გამზ. N1

თბილისი, ლ. გუდიაშვილის N7

ეროვნული არქივის

ეროვნული ბიბლიოთეკის

გენერალური დირექტორი

გენერალური დირექტორის

მოვალეობის შემსრულებელი


თეონა იაშვილი




მირიან ხოსიტაშვილი

